



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episcopo Pataviensi, & Abbatи de Bovinfardenberg Pataviensis diocesis.

urn:nbn:de:hbz:466:1-20020

Deus, qui te non patietur tentari sopra id quod potes, sed faciet etiam cum tentatione proventum, ut valeas sustinere. Itaque confortare in Domino & in potentia virtutis ipsius, qui eti te ad modicum dereliquit, educet tamen quasi lumen iustitiam tuam & judicium tuum tamquam meridiem, cum venerit cum senatoribus terra, & impij tunc in tenebris conticecent. Nos enim, qui secundum Apostolum cum infirmantibus infirmamur & cum scandalizatis exurimur, tibi & ipsis, quantum paraclitus concederit spiritus, consolationis suffragia curabimus impertiri, sperantes in eo qui diebus istis novissimis antiqua cœpit miracula innovare quod circa vos mirabiliter & misericorditer operabitur ad laudem & gloriam nominis lui, quod est benedictum in secula seculorum. Datum Laterani x. Kal. Aprilis, pontificatus nostri anno duodecimo.

EPISCOPO PATAVIENSI,
& Abbat de Bovingardenberg
Pataviensis diocesis.

Epif. 13.
De eo qui mo-
nachus factus
est consensu u-
xoris
Cap. Veniens.
De conuer. con-
jugiorum.

V Eniens ad presentiam nostram dilectus filius L. lator præsentium nobis humiliter intimavit quod cum olim intrandi monasterium propositum conceperit, pluribus sacerdotibus, Militibus, & aliis bonis viris præsentibus apud uxorem suam precibus institit ut super hoc suum imperitiretur assensum, eisdem Presbyteris primis exoratis ne præfata mulieri exparent quod & ipsam oporteret derelinquere seculum si viro suo daret licentiam ad monasterium convolandi. Cumque ipsum mulier ne ab ea discederet vice mutua precaretur, ipse afferens quod nisi ab ea posset super hoc obtainere licentiam, non solum ei se inutilem redderet, sed etiam toti mundo, illa deinde tam ipsius quam multorum astantium precibusque devicta, caput ejus altari supposuit manu sua; qui ea præcente tonsoratus ibidem monasterium adiit, & finito probationis tempore professionem fecit solemniter monachalem, illa vero in seculo remanens, inhonestos amatores admisit. Vnde idem L. metuens ne suæ continentia illius incontinentia imputetur, an in monasterio perseverare debeat a nobis consilium postulavit. Quocirca discretioni vestræ per apostolica scripta mandamus quatenus si est ita, prædictum L. in monasterio quod intravit absque inquietatione cujusquam perseverare liberè permittatis. Licet enim videatur in hoc non modicum delinquisse

quod captioè afferuit quia nisi sibi eadem mulier consentiret, tam sibi quam toti mundo se inutilem redderet, & cum Prelbyteros exoravit ne prædictæ mulieri exponerent quod eadem relinqueret seculum oporteret si forte licentiam daret viro, ex quo tamen eadem mulier caput viri altari sponte supposuit, & postmodum, sicut afferitur, vixit incontinenter, super reversione ipsius non esset aliquatenus audienda, cum ejus intentio, si eundem forte repeteret, exceptione possit commissæ fornicationis elidi; maxime cum antequam fuerit fornicata, ipsum non duxerit repetendum. Datum Laterani 111. Non. Aprilis, anno duodecimo.

HVGALDO ARCHIEPISCOPO
Ravennati.

C Orrectione monasterij sancti Adelberti supra Padum in Ravennaten diocesi, sicut afferis, constituti tibi tunc Faventino Episcopo & venerabili fratri nostro Episcopo Lucensi & dilecto filio Abbat sancti Iohannis Evangelista Ravenat, dum auctoritate nostra commissa, cum ad idem monasterium venisset, invenisti illud graviter collapsum in temporalibus & in spiritualibus deformatum. Vnde cum non esset ibidem qui faceret bonum usque unum, paucissimos monachos in eodem inventos & viventes in multorum scandalum dissolutè juxta mandati nostri tenorem exinde depulisti, cui nequivistis postmodum in rectore idoneo providere, quolibet curam ejusdem monasterij recusante. Cum autem nuper ad sedem apostolicam veniens proposueris coram nobis Ravennatem Ecclesiam olim dictum monasterium tenuisse, quod etiam per privilegium felicis recordationis Innocentij Papæ prædecessoris nostri ei extitit confirmatum, illud tibi restituì petuisti. Quia vero de jure ipsius Ecclesie nobis plenè liquere non potuit, volentes tibi gratiam facere specialem, de fratribus nostrorum consilio ex benigna providentia tibi personaliter duximus supradictum monasterium committendum, ut liberam provisio nem atque correctionem auctoritate nostra obtineas in eodem. Tu ergo, sicut vir providus & discretus, gratiam tibi factam attendens, per diligentiam sollicitam & sollicititudinem diligenter illud studeas taliter in spiritualibus & temporalibus reformare ut circa idem factum plenorem apostolice sedis gratiam merearis. Datum Laterani 11. Non. Aprilis &c. ut supra,